



K.G. Sê Dankie Vir Gelukwense

„Met my verjaardag het ek talle gelukwense van mans en vrouens — en ook van die jeug — gekry wat ek diep waardeer en waarvoor ek baie dankbaar is”, skryf die Kommandant-generaal, dr. Hans van Rensburg onder die datum van 6 Oktober.

„Veral in hierdie verwarrende en gevaarvolle tye is dit vir elke mens 'n riem onder die hart om te weet dat sy medestryders aan hom dink, ook in sy persoonlike en huislike geleenthede soos verjaardae. Ek wil elkeen van u langs hierdie weg bedank en my enigste spyt is dat ek nie elkeen van u die hand kan druk as blyk van waardering nie.

„Intussen . . . die O.B.-stryd gaan voort.”



Dr. Hans van Rensburg

Opposisie En Hulp Aan Brittanje

„Die Nasionale Party sal die lening deur die Unie aan Brittanje steun vir sover dit die belange van die land sal bevorder en dit nie die land se ekonomiese struktuur sal beskadig nie”, het dr. D. F. Malan op Clanwilliam volgens 'n verslag in Die Burger verklaar. Brittanje is 'n goeie afsetgebied en dit is in belang van Suid-Afrika dat ons nie die mark daar verloor nie.

Mussolini Se Bevryder

Die wraak van die Geallieerdes is besig om al diegene wat hulle tydens die oorlog teen gestaan het, in te haal . . . ook vir kol. Otto Skorzeny, die man wat Mussolini bevry het. Hy word tans in Dachau saam met 'n aantal ander persone verhoor om verantwoording te doen vir die redding. Hy is hier (links op die foto) besig om met sy advokaat in die hof te gesels.



S.A. KOPPEL HOM STEWIG MET £80 MILJOEN AAN BRITSE STERFBED

Besonderhede oor die Suid-Afrikaanse goudlening van £80,000,000 aan Engeland waardeur Suid-Afrika sy goudreserwe aansienlik sal moet uitput, is nou in Suid-Afrika bekend gemaak. Suid-Afrika het hierdie waagstuk aangegaan in die aangesig van die onlangse dreigement van Engeland dat hy nie bereid is om die skuld wat hy aangegaan het, te betaal nie. Dit is duidelik dat die lening uiteindelik 'n skenking sal word.

Volgens die ooreenkoms sal Suid-Afrika uit sy goudvoorraad vir 'n tydperk van drie jaar 9,275,000 ons fyn goud aan Brittanje lewer. Die rentekoers hierop is 'n half persent per jaar. Dit is veel laer as wat op lenings van die Internasionale geldfonds betaal word. Die lening is onderhewig aan die goedkeuring van die Parlement.

NOG MEER

In die verduideliking van die ooreenkoms het dr. M. H. de Kock, President van die Suid-

Afrikaanse Reserwebank daarop gewys dat die ooreenkoms onder meer bepaal dat, afgesien van die goudlening, die Unie Brittanje van tyd tot tyd in goud sal betaal vir die netto bedrag van die betalings wat deur die Unie oor Brittanje gemaak word aan lande buite die sterlinggebied.

Die ooreenkoms hou verder in dat Suid-Afrika sy ongunstige handelsbalanse met Brittanje in goud sal vereffen.

Wat Suid-Afrika betref sal die „lening” hoofsaaklik uit ons

goudreserwe gehaal moet word. Om in die Britse behoefte, sowel as ons eie te kan voorsien, sal die goudreserwe wat as dekking dien vir ons note en deposito's met ongeveer 40 persent verminder moet word. S-Afrikaanse goud word dus nou gebruik om die bankrot-sterling van Engeland te ondersteun.

Die groot goudlening aan Engeland sal beslis 'n uitwerking hê op die Suid-Afrikaanse invoer uit Amerika. Dit is moontlik dat ons invoer uit Amerika ter wille van Brittanje drasties ingekort sal word.

NIE BETAAL

Op hierdie stadium is dit nodig om te herinner aan die onlangse dreigement van Hugh Dalton, Britse minister van finansies, dat Brittanje nie meer kans sien om sy skuld van £3,000 miljoen te dra nie. Hy het aangevoer dat Engeland se skuld „onbillik en 'n ondraaglike las” is. Hierdie dreigement het be-

WORD KOMINTERN GERUGSTEUN DEUR ATOOMBOM?

Die lang verwagte stap van die Kremlin om 'n openlike politieke stryd teen die Weste aan te bind en hulle planne vir die herstel van Europa onder Angelsaksiese leiding die loef af te steek, het die afgelope week gekom toe Stalin die wêreld in beroering gebring het met die aankondiging dat die Kommunistiese Internasionale, met hoofkwartier in Belgrado, herstig is.

Die algemene opvatting is dat die herstigting van die Komintern die voorspel is tot Stalin se aankondiging op die a.s. 19e kongres van die Kommunistiese Party dat Rusland daarin geslaag het om die atoombom te vervaardig.

Hierdie keer bestaan die Komintern egter nie net uit Kommunistiese Partye soos sy vooroorlogse ekwivalent nie, maar ook uit Kommunistiese regerings wat namens hulle lande lede van die Komintern geword het.

Rusland wat reeds lankal tot die oortuiging geraak het dat Engeland nie kan herstel en Europa nie moet herstel nie, is stadig maar seker besig om homself in 'n magposisie in te grave waar alleen oorlogsgeweld hom sal kan uithaal.

UIT V.V.O.

Tegelyk met die aankondiging van die herstigting van die Komintern waaraan Rusland,

Joego-Slawië, Roemenië, Bulgarye, Hongarye, Pole, Tsjeggo-Slawokye en die Kommunistiese

Rantsoenering Om Engeland te Help?

Min. S. F. Waterson het eergister aangekondig dat petrolrantsoenering dalk weer ingestel sal word as die publiek nie spaarsaam met petrol werk nie, na SAPA berig. Daar word gemeen dat die regering van voorneme is om petrol weer te rantsoeneer omdat hy sy dollaraankope in Amerika wil inkort om Engeland te help. Australië en Nu-Seeland het reeds die gebruik van petrol drasties ingekort. — SAPA-R.

Partye van Italië en Frankryk deelgeneem het, het Wisjinski in die V.V.O. soos nog nooit tevore te velde getrek teen die buitelandse beleid van Amerika. Die afgevaardigdes vra hulle reeds af of die Russe besig is om 'n veldtog op te bou om uit die V.V.O. te tree. Dit is bekend dat hierdie opgeswepte toesprake van die Russiese afgevaardigdes waarin hulle hul laat uitblaf teen Amerika, deeglik onder die aandag van die Russe gebring word om stelselmatig haat teen die Weste te kweek.

Op die vergadering van die Verenigde Volke in Lake Success is die mening gelug dat die stigting van die Komintern een van die belangrikste politieke ontwikkelings sedert die einde van die oorlog is.

TWEE RIGTINGS

Die stigting is in Frankryk vertolk as die vrees van die Sowjet dat hy uitgesluit sal word van die samesprekings van die ministers van buitelandse sake wat in November plaasvind. Rusland is sterk veroordeel oor die houding wat hy inneem wat op 'n onvermydelike botsing tussen Oos en Wes moet uitloop. In Moskou is amptelik verklaar dat dit duidelik geword het dat die verskille tussen Rusland en die vroeëre bondgenote al groter word. „Twee teenoorgestelde politieke rigtings het nou gestalte aangeneem,” het die amptelike Russiese nuusagentskap verklaar.

Regeringskommentaar in die V.S.A. verklaar dat die stigting van die „Klein Komintern” ten doel het om die ekonomiese herstel van Europa te torpedeer en te verhoed dat die program vir herstel uitgevoer word. Die stigting is beskryf as „kwaadwillig en gewetenloos.”

Enkele dae voor die aankondiging van die herstigting het 'n korrespondent van Review of World Affairs geskryf dat daar

(Vervolg op bl. 8)

GOEDKOOP VRUGTE UIT S.A. VIR ENGELAND

'n Ooreenkoms tussen die Unie en Engeland vir die verkoop van Suid-Afrikaanse vrugte aan Brittanje teen 'n heelwat laer prys as verlede jaar is so pas bekragtig. Die pryse is doelbewus verlaag ten einde verby te kom by die Amerikaanse leningsooreenkoms wat bepaal dat Brittanje nie van die dominiums goedere mag koop wat hy in Amerika staak om te koop nie.

Die enigste uitsondering op hierdie bepaling is waar Brittanje kan bewys dat hy die goedere goedkoper elders kan kry. Om dus hierby verby te kom, is die prys vir Suid-Afrikaanse vrugte so verlaag dat dit heelwat laer sal wees as wat Brittanje bereid is om aan die Amerikaanse boere te betaal.

Hoe Smuts en Kie Deur Stalin Uitoorlê Is

MET GODSDIENS GEMANEUVREER

Hoe die demokratiese leiers en hul pers bolsjewistiese sette tydens die oorlog vir soetkoek opgeëet het toe hulle die aankondigings uit Moskou dat godsdienste herstel en die Kommunistiese Internasionale ontbind is, toegejuig het as 'n bewys dat Stalin nou 'n goeie nasionalis en demokrat geword het, word aan die lig gebring deur Victor Kravchenko in sy onthullende boek oor Rusland „Ek Kies Vryheid”.

Kravchenko was in die hoogste regeringskringe tydens die oorlog en wat hy meedeel, is alles behalwe vlelend vir die Westerse leiers se intelligensie.

In die Sowjet, skryf hy, bestaan daar twee waarhede — een vir die massas en die buitewêreld, en een vir die vertrouelinge van die party. Wanneer 'n sekere propaganda-riktig som ingeslaan word, word aan partylede gesê om geen notisie daarvan te neem nie of net die teenoorgestelde te glo. So was dit op 'n kritieke stadium van die oorlog nodig om sekere beginsels van Lenin oënskynlik te repudieer. Dit was die geval met die godsdienste en die Komintern (die kommunistiese wêreldorganisasie wat revolusie in alle lande organiseer).

„MANEUVREER”

Van die godsdienste-set skryf Kravchenko met verwysing na die lof van buitelanders as sou Stalin nou gebreek het met die ou beleid as volg: „Indien enige van hierdie deskundiges in ons geslote weeklikse partyvergaderings van die hoë amptenare gesit het, sou hy geskik gewees het. Vir ons was die „terugtog van Leninisme” eenvoudig 'n tydlieke taktiese manewer. Die versoening met die godsdienste was 'n vernederende dog onvermydelike toegewing... Geen behoorlik opgevoede kommunist het die gevoel gehad dat die party besig was om te lieg deur een soort beleid in die openbaar voor te gee en die teenoorgestelde in die privaat voor te staan nie. Sy gewete het hom net so min gekwel as dié van 'n generaal wat sy vyand mislei en op die slagveld uitoorlê. Totdat die hele wêreld omskep is in 'n enkele Sowjetunie onder die son van Stalin, is dit nodig vir die generale staf van die revolusie — waarmee bedoel word die leiers in die Kremlin — om te maneweer, nou aan te val, dan stil te lê en voortdurend die teenstrydighede van die kapitalistiese lande uit te buit...”

Britse Basis Na Afrika Verskuif

Brittanje is reeds besig om hom in Midde-Afrika in te graawe en sy magte uit die Midde-Ooste hierheen te verskuif. Hoewel dit nog nie amptelik aangekondig is nie, het die verskuiving van die Britse hoofkwartier in die Midde-Ooste na Kenia reeds 'n aanvang geneem. 300 Britse vakmanne uit Egipte is reeds besig om kampe vir „reusagtige leërs” te bou. Die spoorwegverbinding tussen die kus en Nairobi word ook verbeter. Met baie van die geboue is reeds 'n aanvang gemaak.

Baie duisende natuurleë sal binnekort op 'n semi-militêre grondslag gewerf word om die werk te help doen.

As Kenia die Britse basis in Midde-Afrika is, sal dit Suid-Afrika se lot wees om die Britse voorsprake in die Suid te wees?

Op een so 'n vergadering is die regeringslede toegesprek deur kameraad Yudin, propaganda-hoof.

ONVERSOENBAAR

„Kamerade,” het hy gesê, „ons bondgenootskap met die kapitalistiese lande moenie illusies laat ontstaan nie. Ons moet vaskleef aan die fundamentele dinge. Daar is twee wêreldes. Af en toe moet 'n brug gegooid word tussen die twee, soos nou in die oorlog. Maar ons weet dat die brug vroeër of later moet instort. Die twee wêreldes van kommunisme en kapitalisme kan nooit langs mekaar bestaan nie.”

Op 'n ander vergadering is hulle toegesprek deur die partyhoof van die Kremlin, Mironov:

„DERDE ROME”

„Kamerade, ons moes sekere toegewings maak ten opsigte van die godsdienste, veral daar so baie van die Rooi soldate getrek word uit agterlike dorpieë waar godsdienste nog 'n taamlike houvass het. Verder maak die vyand ook gebruik van ons anti-godsdienstige houding vir propagandadoeleindes, en die verbeterde betrekkinge met die Russiese Kerk, slaan die voete onder hul lyf uit. Dan is daar 'n ander baie belangrike oorweging: Ons leërs sal spoedig Slawiese lande binnetrek wat nog nie die voordeel van kommunistiese opvoeding gehad het nie. Van watter nut sal die Pan-slawiese komitee in Moskou wees indien ons die ou beleid ten opsigte van die kerk handhaaf?

Ons nuwe godsdienstige beleid sal van waarde wees om die anti-kommunistiese propaganda van die Roomse Kerk, die Lutherse en ander godsdienstige groepe die kop in te slaan. „Moet dus nie die wysheid van ons Party onderskat nie. Ons moet in die volgende tydperk 'n breë standpunt inneem. Ons het die kans om die Ortodokse Kerk in ander lande nader te trek en Moskou die Derde Rome te maak.”

DROE AARDE

„Maar kameraad Mironov,” het een van die lede tussengewerp, „bestaan daar nie gevaar dat die nuwe geslag wat eendag ons plek sal neem deur godsdienstige bygeloof bederf sal raak nie?”

„Moenie jou daaroor kwel nie,” het hy glimlaggend geantwoord. „Daar is nóg bodem nóg vog waarop godsdienste in Rusland kan groei. Per slot van sake is die pers, die radio, die skole, die letterkunde, al die magte van die gees onder beheer van die Party. Dit behoort vir elkeen duidelik te wees dat 'n jongman met godsdienstige neigings geen loopbaan het nie. Indien hy nie geestelik en politiek aan ons kant is nie, is daar vir hom geen plek nie. Dit is die belangrikste punt in ons guns. Onthou, die kerk is van

die staat geskei — en die skole is in die hande van die staat. Die jeugbeweging sal 'n sterker mag wees as die priesters — daarvan kan jy seker wees. Is ons sulke dwase dat ons die nuwe geslag aan die priesters sal uitlewer?”

ONDERGRONDS

Van die Kommunistiese Internasionale skryf hy dat aan hulle te kenne gegee is dat hierdie wêreldwye organisasie slegs in formele sin ontbind is. Inderdaad moes die apparaat en personeel en samebinding van die Internasionale verstewig word nou dat ondergronds gestuur is.

„Dwarsdeur die wêreld, Kamerade, is die magte van die Revolusie besig om voor te berei vir die stryd — en oorwinning”.

Kravchenko kom dan tot die gevolgtrekking dat indien Stalin se wetenskaplikes eerste die atoombom sou gemaak het, Stalin nie sou geaarsel het om dit te gebruik om daardie wêreld-revolusie en oorwinning teweeg te bring nie.

COLIN STEYN

En onderwyl hierdie huigelaar in Moskou plaasgevind het, het Roosevelt en Churchill hul onderdane beweeg om hul vooroordele teen Stalin oor boord te gooi, en het 'n Colin Steyn president geword van die „Friends of the Soviet” en is Moses Kotane deur die Minister van Justisie persoonlik uit die hande van die gereg gekritiseer en in vryheid gestel sonder verhoor, net soos hy sonder verhoor Afrikaners in tronke laat smyt het omdat hulle nie vriende was van die Sowjet en sy misleidende bondgenote nie.

Britse Predikant Word Voorspraak Van Leegleërs

Die sug en begeerte tot niksdoen onder die Britse volk wat nie hul deel wil bydra tot Brittanje se redding nie, het selfs nou voorspraak in Britse kerklike kringe ontvang. Ds. W. I. Bulman, van 'n Londense voorstad, het alle leegleërs in Brittanje belowe om vir hulle 'n voorspraak te wees en toe te sien dat hulle niks meer doen as nou nie en dat die werkende klas die spit afbyt. Hy het so pas 'n spesiale diens vir hulle gehou.

Hierdie geestelike van Willesden, het vir homself naam gemaak onder die leegleërs as gevolg van sy pleidooi om hulle te beskerm teen die drastiese maatreëls wat die Arbeidsregering van voorneme is om op alle leegleërs toe te pas.

SAL NIE HELP

Hy het alle leegleërs uitgenooi: „Ek sê, kom na my al julle „spivs” en „drones” wat oorbelas is en ek sal julle help so ver as ek kan”. Hy het ook 'n brief aan die plaaslike bestuur van die voorstad Willesden gerig waarin hy verklaar dat hulle geen hulp van die leegleërs moet verwag nie. „Ons is as „spivs,” „drones” en selfs slegter dinge uitgemaak. Ons behoort tot 'n groep wie se inkomste tydens die oorlog verminder het en daarna nóg meer

Tien Gebooie Van Die Godloses In Rusland

„As jy nie 'n oortuigde „Godlose” is nie, kan jy nie 'n goeie Kommunist en ware burger van die Sowjet wees nie. Ateïsme is onafskeidbaar verbind met Kommunisme. Altwee beginsels is fundamente van die mag van die Sowjet”. „Moet nooit vergeet dat die geestelikes die bitterste vyande van die Kommunistiese staat is nie”.

Hierdie is slegs twee van die tien gebooie wat die amptelike Russiese jeugorganisasie aan die Russiese jeug voorhou in hul opvoeding om goeie burgers te word. Dit word verhaal deur 'n waarnemer van die Katolieke blad, Southern Cross, in 'n artikel waarin hy aantoon dat die Russe weer begin het met hulle ateïstiese propaganda nadat hulle dit tydens die oorlog oënskynlik gestaak het.

Die waarnemer wat onlangs uit Rusland teruggekeer het, skryf dat daar tans slegs 29,000 kerke in Rusland is teenoor die 79,000 voor die rewolusie. So wat 33,000 geestelikes gaan nog met hulle werk voort.

„Hoewel die Russiese Ortodokse Kerk nog in Rusland fungeer en die Katolieke Kerk nog toegelaat word om met sy werk voort te gaan in die gebiede wat onder kommunistiese beheer staan, moet dit mense nie onder die indruk bring dat die Kommunistiese Party bekeer is nie. Hy is deur die wêreldmening en deur politieke oorwegings gedwing om hierdie „vryheid” toe te staan,” skryf die waarnemer.

AFSKRIK-DEPORTASIES

„In die Westerse Ukraine geter is daar 'n intensiewe veldtog aan die gang om Katolieke oor te haal om by die Russiese Ortodokse Kerk aan te sluit, en die meeste Biskoppe en priesters is in hegtenis geneem. Hierdie veldtog het tydens Pinkster, twee jaar gelede begin”. Vanjaar is die veldtog voortgesit in 'n gebied wat voorheen aan Tjeggoslowakye behoort het en bekend staan as Padkarpatska Rus. „Voor Pinkster was die

vervolg van die Katolieke daar nie so intens as in die ander gebiede van die Sowjet-Ukraine nie, en verskeie Katolieke Kerke van die Oosterse Kerkgebruik was oop. Toe die „Pinksterdienste egter begin, is die kerke skielik deur Russiese militêre en die M.V.K., (soos die geheime polisie, voorheen die N.K.V.D. nou bekend is) omsingel. Alle manspersone tussen 16 en 60 en alle vrouens tussen 16 en 40 is op een dag almal Opswaarts gedeporteer.” Saam met hulle was 'n aantal geestelikes terwyl ander geestelikes in die tronk gestop is.

GODLOSE PROPAGANDA

Die waarnemer verklaar voorts dat die regering nou besig is om sy anti-godsdienstige propaganda wat hy tydens die oorlog gestaak het, weer te hervat. Die Moskoue blad, Bolshevik, het onlangs voorskrifte aan die Russiese jeug uitgereik waarvolgens hulle alle gedagtes oor 'n hiernamaals moet laat vaar.

Die sentrale uitvoerende liggaam van die Komosol, die enigste jeugorganisasie wat in Rusland toegelaat word, het onlangs 'n brosjure onder die opskrif „Die Tien Gebooie van die Kommunisme” uitgegee. Dit lui as volg:

● 1. Moet nooit vergeet dat die geestelikes die bitterste vyand van die Kommunistiese staat is nie.

● 2. Probeer om jou vriende vir die Kommunisme te wen, en onthou dat Stalin, wat 'n nuwe gronwet aan die Russiese volk gegee het, die hoof van die „Godloses” is, nie net in Rusland nie maar oor die hele wêreld.

● 3. Hou aan jou vriende voor om kontak met priesters te vermy.

● 4. Pasop vir spioene en vertel die polisie van saboteurs.

● 5. Sien toe dat die Ateïstiese propaganda wyd versprei word onder die volk.

● 6. 'n Goeie jong Kommunist moet ook 'n militante ateïs wees. Hy moet weet hoe om sy wapens te gebruik en opgelei word in die oorlogskuns.

● 7. Waar jy ookal kan, bevog die godsdienste en voorkom dat dit enige invloed op jou kameraad het.

● 8. 'n Goeie „Godlose” moet ook 'n goeie polisman wees. Dit is die taak van elke „Godlose” om die veiligheid van die staat te beskerm.

● 9. Ondersteun die „Godlose” beweging met geld wat gedeeltelik nodig is vir ons buitelandse propaganda, aangesien onder huidige omstandighede dit alleen ondergronds uitgevoer kan word.

● 10. As jy nie 'n oortuigde „Godlose” is nie, kan jy nie 'n goeie kommunist en ware burger van die staat wees nie. Ateïsme is onafskeidbaar verbind aan die Kommunisme. Altwee beginsels is die fundamente van die mag van die Sowjet”.

Die predikant het alle „Spivs”, (wat van hulle vernuftigheid leef), „drones” (leegleërs wat van hul rente lewe sonder om te werk), en „eels” sowel as „butterflies”, (diegene wat van die geld lewe wat ander verdien), na sy diens uitgenooi.

REGERING VERLOOR EERSTE RONDE IN DEPORTASIE-STRYD

Die regering het besluit om as gevolg van die bevel nêr wat teen hom uitgereik is, die deportasie van die 233 Duitsers wat aanstaande Saterdag gedeporteer moes word, uit te stel. Die nuwe datum van deportasie is nou 15 November aangesien daar gevoel word dat elke Duitser kans moet kry om sy saak persoonlik in die hof te stel.

Geen Duitser sal gedurende dié tydperk gedeporteer word nie. Dit sluit Duitsers in wat 'n interdik teen deportasie van

die hof gekry het, sowel as Duitsers wat tot dusver geen interdik gekry het nie. Meer as

80 Duitsers het reeds bevel nêr gekry. Baie ander is van voorneme om soortgelyke bevel nêr by die Hooggeregshof aan te vra.

Voordat die Duitsers gedeporteer word sal die Minister van Binnelandse Sake eers op 23 Oktober voor 'n volle regbank verskyn en redes moet aanvoer waarom die deportasiebevel nêr ter syde gestel moet word nie.

30 Pst. Hoër Mielieoeste

Navorsingswerk wat volgens die mening van wetenskaplikes die Unie se mielie-opbrengs met nagenoeg 30 persent sal verhoog, word op Potchefstroom gedoen. Die proewe bestaan daaruit om 'n gebasterde mielie deur kruisteling te verkry. 'n Groot deel van die navorsingswerk is reeds voltooi. Die mielies waarmee die proewe tans uitgevoer word, kan nie weer 'n volgende keer as saad gebruik word nie. Wanneer die skema in swang is, sal boere elke jaar nuwe saad moet koop.

Selfs Jode Twyfel Aan Smuts Se Geregtigheid

Die wraak wat die Smuts-regering van voorneme is om uit te oefen op die Duitsers wat aanbevel is vir deportasie deur hulle sonder enige vooruitsigte van 'n heenkome in Duitsland, en daarby vlak voor die winter, te deporteer, lok selfs protes uit Joodse kringe, soos blyk uit 'n brief in die Cape Argus.

Dit Het So Gebeur

'n Rubriek vir Ons Lesers

Dit was Juniemaand in die jare toe die Ossewabrandwag die spil was waarom die Afrikaners in hul duisende gedraai het.

Dit was tydens 'n besoek van ons K.G., dr. J. F. J. van Rensburg aan Cradock, hoofstad van die Middellande.

Alles was in rep en roer. Kommando's van die Generaal-skap het van heinde en ver gekom, en offisiere en brandwagte was in hulle honderdtalle teenwoordig.

Die plaaslike sportterrein was oorlaai met geesdriftiges vir ons beweging — die Ossewabrandwag.

Ons het die K.G. buite die dorp ontmoet, perderuiters, motors en voetgangers het aan die optog deur die dorp na die sportterrein deelgeneem.

Groot was die dag, en dit was ook die grootste dag wat die Werda-Kommando van Cra-

dock beleef het in die tyd van sy bestaan.

Die fees het twee dae geduur, en tente is by die terrein opgeslaan vir al die nodige doeleindes.

Die tente moes snags bewaak word, en ek het as korporaal destyds, van my hoër offisier in bevel, die bevel gekry, om, om vieruur die nag met my brandwagte by die tente te wees om af te los en die bevel oor te neem.

Daar was grysaards onder my brandwagte, maar toe ek om kwart voor vier die oggend by die bestemde plek aankom, was elke brandwag daar en die een was meer opgeruimd as die ander, tenspyte van die snerpende koue.

Dit was nag, ons het die brandwagte op diens bekrui, maar moenie glo nie, elkeen was op sy pos. Die vuurtjie wat eenkant gebrand het was lekker, maar die ryp was koud.

Toe die dag aanbreek glinster die grashalms soos juwele in die oggendson maar dit was nie juwele ne, maar ryp wat soos meel gestrooi lê.

Maar ryp en kou of te nie, elke brandwag was op sy pos toe die volgende bevelvoerende offisier die volgende oggend om sewe-uur die bevel oorneem.

Kom, offisiere en brandwagte, dit moet en kan weer gebeur.

J. J. DU PREEZ,
Cradock.

Brittanje skat sy dollartekort vir 1948 op sowat £660,000,000 na dit blyk uit 'n opname van die komitee vir heropbou van Europa. Volgens die komitee het Duitsland £290,000,000 nodig, terwyl Griekeland £127 miljoen en Frankryk £440 miljoen nodig het. Nege lande kom in aanmerking vir die hulp onder die Marshallplan.

Reuse Uitgawes Van Spoorweë

As die grootste onderneming in die Unie is die jaarlikse inkomste van die Suid-Afrikaanse Spoorweë tans £75,000,000 per jaar. Hiervan bestee die Spoorweë £50,000,000 aan salarisse en lone, na die Minister van Vervoer, mnr. F. C. Sturrock, aangekondig het.

Die duurtetoelag van die Spoorweë het die afgelope maande met £1,200,000 toeneem. Mnr. Sturrock het gesê dat die inkomste van die spoorweë heeltemal voldoende is maar dat die uitgawes steeds toeneem.

HET U U INTEKENING OP DIE O.B. HERNU?

So nie, staan u in gevaar dat toesending aan u adres binnekort gestaak word.

Die stelsel van kommando-intekening het op 30 Junie laaslede verval. Vanaf 1 Julie teken almal regstreeks teen 10/- per jaar op die blad in. Om seker te maak dat u geen uitgawe van ons amptelike mondstuk sal mis nie, moet u onmiddellik onderstaande vorm voltooi en saam met u intekengeld pos.

VUL ASSEBLIEF HIER IN

DIE SEKRETARIS,
VOORSLAG (EDMS.) BEPERK,
POSBUS 1411,
KAAPSTAD.

Geagte Heer,

Ek het tot dusver „DIE O.B.” deur middel van die kommando ontvang en neem daarvan kennis dat intekengeld vanaf 1 Julie 1947 regstreeks aan Voorslag (Edms.) Bpk., vooruitbetaalbaar is teen 10/- per jaar.

Gaan asseblief voort om „DIE O.B.” aan my adres te stuur tot ek u in kennis stel om toesending te staak.

Hiermee vind u die bedrag van.....

vir.....jaar/e se intekengeld.

Naam:

Posadres:

Datum Handtekening

PAS ONTVANG VAN OORSEE SWALLOW

REËN-, WARM- EN GABERDIEN-JASSE.

PRYSE BAIE BILLIK

Plaas dadelik u Bestelling by

Van Zyls DIE MANSWINKEL
Foon 791 — Posbus 233
HOOFSTRAAT PAARL

Die skrywer wat onder 'n skuilnaam skryf, verklaar dat hy nie nasionaalgesind of 'n simpatiseerder met die Nazis is nie, daar hy self vervolging in Duitsland verduur het. Hy is ook 'n ondersteuner van genl. Smuts.

„Ek hoop daarom dat u my sal toelaat om my nederige twyfel uit te spreek teen u oortuiging dat elkeen van die 235 'wat finaal in aanmerking kom vir deportasie' 'n ondersoek met soveel toegewendheid toegestaan is as in geen ander land ter wêreld nie' en dat 'elke versagtende omstandigheid simpatiek inaggeneem is'.”

Hy verklaar dat hy saamstem dat alles gedoen moet word om Nazisme te voorkom.

„Maar hoe is dit dat mens verneem van manne onder hierdie mense wat finaal aangewys is vir deportasie, wat sweer dat hulle nooit met Nazisme of politiek iets te doen gehad het nie, dat hulle nooit meegedeel is wat die aanklag teen hulle is nie, en dat hulle tot op hierdie dag totaal onkundig is omtrent die redes vir hul deportasie?”

PERSOONLIKE GRIEWE

„Die een vraag moet toegelaat word: Is hierdie mense meegedeel wat die beskuldiging teen hulle is en is aan hulle 'n verhoor toegestaan en 'n geleentheid om hulself te verdedig?”

„Is daar of is daar nie die gevaar dat getuieis teen hulle gebruik is wat bewus of onbewus—miskien selfs doelbewus—spruit uit persoonlike motiewe van die getuies of aanklaers weens persoonlike griewe of wraaksug nie?”

„Kon die kommissie sonder gebruikmaking van getuies homself oortuig het van die skuld van die beskuldigdes? Indien slegs een van die 235 gedeporteerdes veroordeel is op grond van getuieis wat nie 100 persent juis is nie, kan ernstige onreg gepleeg word waar dit sekerlik nie bedoel was nie. Sou dit nie beter gewees het indien 'n onpartydige hof die geleentheid gehad het om te verneem wat die beskuldigdes vir hulself te sê het nie?”

• WAARDE
• KWALITEIT
• VERSKEIDENHEID


UNIEWINKELS

— Beperk —

KERKSTRAAT 275 — PRETORIA

TAKKE: Johannesburg, Benoni, Vereeniging, Kaapstad.

DAMES-,
MANS- en
KINDER-
UITRUSTERS
SNYERS



„Die Kleine Wonder”

STEENMAAK- MASJEN

(Vir die maak van Sementstene)

Maak standaard-grootte Sementstene (9 dm. x 4⁵/₁₀ dm. x 3 dm.)

Doen navraag by u naaste Handelaar of skryf direk aan:
Fabrieksvertegenwoordiger:

JOHANN H. BUHR,
Posbus 18, Hopefield.

Handelsnavrae word verwelkom.

„DIE O.B.,” WOENSDAG, 15 OKTOBER 1947

Engeland Moet Herskep

Vir miljoene Engelse is hul vaderland vandag 'n tronk waaruit hulle gretig is om te ontsnap. In teenstelling met die vrou van Lot verlaat hulle hul eilandtuiste sonder 'n enkele terugwaartse blik. Die agterblywendes aanvaar hul lot met gedwonge gelatenheid. In hul harte flikker daar geen vonk van toekoms-verwagting nie.

Dobbelaar is die grootste nywerheid in Engeland. Elke week word miljoene ponde verwed. Waarom nie? Die Engelsman kan slegs met behulp van koepons koop; en as die koepons gedaan is wat maak met die orige geld? Die Engelsman dobbel dit weg!

Die koepons wat op 'n basis van produksie uitgereik word is gewoonlik ontoereikend want die produksie handhaaf 'n verre agterstand ten aansien van konsumpsie.

GELD SONDER KOOPKRAG

Dis daarom dat Engelse werkers nie langer ure teen hoër lone wil werk nie — die ekstra geld wat aldus verkry kan word het tog geen intrinsieke waarde vir hulle nie.

Dis daarom ook dat Engelse getroude vroue nie aan die oproep van die regering om die arbeidstekort aan te vul wil gehoor gee nie — hulle wil liever 'n hele dag êrens in 'n tou staan met hul koepons om tog iets te kry.

Engelse produksie skiet te kort omdat die Engelse produksie-proses ouderwets is.

Die Engelse steenkoolwerker lewer b.v. meer as 50% minder steenkool per tyd- en geldeenheid as sy Amerikaanse ekwivalent. Die gevolg is dat die Engelse volk sidder en beef van die koue; die produksievermoë van Engelse fabriek wat van steenkool afhanklik is nog verder ingekort word; en les bes, omdat daar bv. nie steenkool is om na die Skandinawiese houtlande uit te voer nie, maak die mense daar met die hout vuur wat Engeland nie kan invoer om sy broodnodige huise te bou nie!

MODERNISERING

Voordat die Engelse produksieproses nie deeglik gemoderniseer word nie sal Engeland homself nie kan rehabiliteer nie. Om die modernisering deur te voer; om enersyds nuwe masjiene aan te koop en andersyds die ouderwetse masjiene uit die fabriek te verwyder sal nie alleen baie geld kos nie, maar dit sal ook 'n regering met gesag vereis.

Wat Engeland dus op hierdie stadium nodig het is nie net noodleniging nie, maar totale herskepping. Engeland het nie net geldjies nodig om rookgoedjies in die buiteland te koop nie: sy het baie meer nodig.

Tensy Engeland haar ekonomiese huishouding drasties hervorm is alle lenings aan die land onekonomies, en word sodanige geld deur die lener eenvoudig in die water gegooi — Suid-Afrika se £80,000,000 inklus.

Indië Weier Steenkool

Pakistan het geweier om die steenkool uit Suid-Afrika wat aangebied is om die land se nood te verlig, aan te neem. Onlangs is daar deur gewone handelskringe navrae ingestel at daarop uitgeloop het dat die Unie bereid was om 40,000 ton steenkool na Pakistan te stuur.

Engeland Wil Nie S.A. Skoene Koop

In weerwil van die aansienlike mate van hulp wat die Unie-regering teen die sin van die volk Engeland aanbied, weier Engeland nog steeds om toe te laat dat Suid-Afrikaanse skoene Brittanje binne kom.

Namens die Suid-Afrikaanse Skoennywerheid is daar herhaaldelik verhoë oor die saak tot die regering gerig om die Britse regering te bewoeg om die verbod op die invoer van skoene op te hef. Verlede jaar het die Unie toegelaat dat skoene ter waarde van £60,000 uit Brittanje ingevoer word.

Attlee Raak Ontslae Van Ongewenstes

Ses ministers het uit die Britse kabinet „bedank” tydens die jongste herskommelings van die kabinet deur mnr. Attlee. Dit het gevolg op die aanstelling van Cripps as minister van ekonomiese sake. Die nuwe skommeling maak voorsiening dat 'n aantal ministers van verantwoordelikhede verwissel het en dat die kabinet van 19 tot 18 lede verminder is.

Die onpopulêre Britse minister van brandstof, Shinwell, is verskuif na die posisie van oorlogsminister. Die vyf grotes van die kabinet, Dalton, Morrison, Attlee, Herbert en Bevin, is nie deur die veranderings geraak nie.

Die veranderings toon dat Attlee hom nie gesteur het aan die druk van die linkse groep in sy party om meer verteenwoordiging aan die vakbonde in die kabinet te gee nie. Die vakbonde het geen noemenswaardige erkenning gekry nie.

MALAN DREIG OM A.P.-LEDE TE KEUR

Dr. D. F. Malan, leier van die H.N.P. het verlede Dinsdagaand op Piketberg (die hoofdorp van sy kiesafdeling) sy eenmansveldtog teen die Ossewabrandwag voortgesit. Sy toespraak was grotendeels 'n herhaling van wat hy reeds op De Aar gesê het. Hy het by herhaling die vraag gestel of O.B.-lede, wat by die A.P. aansluit, vir H.N.P.-kandidate gaan stem. Die enigste nuwigheid in die Piketberg-toespraak was dr. Malan se dreigement dat hy miskien in die toekoms A.P.-lede gaan keur — op De Aar het die H.N.P.-kongres besluit om A.P.-kandidate te keur.

Die Kaaplandse H.N.P.-kongres het op De Aar 'n besluit aangeneem dat die H.N.P. nie A.P.-kandidate, wat ook nog lede van die O.B. is, by die ko-

Wat Skort Die Kandidate?

Blykens die leier van die H.N.P. se toesprake op sy partykongresse en verlede week weer op Piketberg is hy angstig om 'n waarborg te kry dat O.B.-lede wat by die A.P. aansluit vir H.N.P.-kandidate by die komende verkiesing sal stem.

Dit is nie heeltemal duidelik waarom dr. Malan sodanige waarborg op hierdie stadium en in die openbaar eis nie.

Dr. Malan het 'n ooreenkoms met min. Havenga aangegaan. Inbegrepe in daardie ooreenkoms is die onderneming dat A.P.-lede H.N.P.-kandidate sal steun in kiesafdelings waar hulle die gesamentlike opposisie verteenwoordig; op hulle beurt sal H.N.P.-lede A.P.-kandidate ondersteun in kiesafdelings waar hulle die gesamentlike opposisie verteenwoordig. Dit is tog immers vanselfsprekend dat die uitvoering van hierdie ooreenkoms, sover dit A.P.-lede en hul verpligtinge betref, by die leier van die A.P. tui shoort, net soos die uitvoering van die ooreenkoms sover dit H.N.P.-lede en hul verpligtinge betref weer by die leier van die H.N.P. tui shoort.

Dit sal 'n teken van vertroue wees in sy bondgenoot as dr. Malan die saak in die hande van mnr. Havenga laat — waar dit tui shoort.

DIE MATE VAN STEUN

Dr. Malan verklaar egter dat hy ontsteld is omdat dr. J. F. J. van Rensburg, die leier van die Ossewabrandwag, verklaar het:

„Waar die Afrikanerparty kandidate stel, sal die Ossewabrandwag sy volle steun toesê. Waar die H.N.P. kandidate stel, sal dit grotendeels afhang van die kandidaat in hoe 'n mate die Ossewabrandwag sy steun sal verleen”.

Waarom is dr. Malan ontsteld oor wat dr. Van Rensburg gesê het? Hy verklaar immers uitdruklik dat hy geen ooreenkoms met dr. Van Rensburg of die Ossewabrandwag het, of wil hê nie.

En tog het dr. Van Rensburg die O.B. se steun aangebied: Dr. Malan moet net sorg vir 'n kandidaat wat hierdie steun waardig is.

En dit kan dr. Malan maklik doen, want in die laaste instansie moet elke H.N.P.-kandidaat deur hom goedgekeur word. As niks aan sy kandidaat skort nie, waarom is dr. Malan dan ontsteld?

Slegs 35 Uit Elke 100

Onderzoek in Transvaal bring aan die lig dat uit elke honderd kinders wat std. V slaag, 29 std. VI behaal, 32 slaag std. VII en slegs 35 uit elke 100 bly lank genoeg op skool om std. VIII of 'n hoër eksamen af te lê. Die syfers is afkomstig van die Transvaalse Onderwysdepartement.

In die ander provinsies is dit seker ook nie beter gesteld nie.

SKILVRY

is sonder weerga 'n

MIDDEL

teen jeukende kopvel, droë kopvel en

SKILFERS

U Apteker of Handelaar sal u voorsien. (3)

Engeland Vestig Hoop Nou Op Atoomenergie

Brittanje vestig tans sy hoop op atoomkrag om die steenkooltekort wat die nywerhede strem, te bowe te kom. By Harwel en Dicot wend Britse deskundiges in aller yl pogings aan om sukses te behaal. Dit blyk ook maar ydele hoop te wees omdat twee-derdes van die £76 miljoen wat vir navorsing bestem is, nou bestee word om die leër te onderhou sodat daar maar 'n nietige bedraggie vir navorsing oorbly.

Die eerste eksperimentele operasies word by Harwell uitgevoer waar instrumente ter waarde van £30,000,000 opgerig is. Die Britse wetenskaplikes is egter ontevrede omdat die regering belet dat buitelandse atoomwetenskaplikes toegelaat word om hierdie inrigtings te besoek. Die hoof van die navorsing, prof. J. Cockroft, het al selfs gedreig om te bedank omdat die regering dit verbied. Hy is van mening dat hy nie sukses kan behaal sonder dat die kennis van ander lande ingeruil word nie.

In die Britse laerhuis is die vraag al verskeie kere geopper tot watter mate atoomkrag in staat sal wees om die Britse nood te verlig. Indien dit suksesvol in die toekoms blyk om steenkool waaraan daar 'n groot tekort is, met atoomkrag te vervang, sal Brittanje baie daarby baat. Dit is nie bekend hoe ver daar reeds met hierdie navorsing gevorder is nie.

Brittanje Verkoop Nog Goud

In Amerika is aangekondig dat Brittanje nogmaals sy goudreserwe moes aanspreek om vir sy invoer te betaal. Hierdie keer het hy goud ter waarde van £30 miljoen aan Amerika verkoop om 120,000,000 dollars in die hande te kry.

Na aanleiding van hierdie verkope het sir Stafford Cripps, minister van handel verklaar: Brittanje moet of honger ly of bedel nadat hy sy beperkte reserwes opgebruik het. Brittanje het sy vermoë om te leen, reeds uitgeput, het hy mismoedig verklaar.

mende verkiesing sal ondersteun nie.

Op Piketberg het dr. Malan 'n waarborg geëis dat O.B.-lede wat by die A.P. aansluit die H.N.P. se kandidate by die stembus sal ondersteun. Tensy hy 'n genoegsame waarborg kry, het dr. Malan gedreig, sal hy die O.B.-lede nie erken as A.P.-lede nie; en sal hy hulle sterkte nie byreken wanneer die setels tussen die A.P. en die H.N.P. verdeel word op 'n basis van getalsterkte nie.

Meer interessant as dr. Malan se eis en dreigement is sy „terloopse” bekendmaking dat die verdeling van setels tussen die A.P. en die H.N.P. op die basis van die getalsterkte van die partye sal geskied.

Dit is die eerste keer dat hierdie basis bekendgemaak word. Dr. Malan het geen besonderhede verstrek nie.

Die Kommuniste in Engeland is besig om geld in te samel vir die Suid-Afrikaanse Kommuniste wat aangekla is van sedisie. Hulle is besig om pamflette te versprei waarin hulle bydraes vra vir ondersteuning.

Verjaardagviering

KOMDT.-GENERAAL EN
ADJUNK KOMDT.-GENL.

SATERDAG, 22 NOVEMBER, 1947 om 8 n.m.

STADSAAAL, PAARL.

ONTHOU HIERDIE DATUM!

„Kruger Beliggaam Ideale Van Volk”

„Ons durf nie Helledag vier anders as onder die Republikeinse vlag nie. Ons bring hulde aan die helde van die verlede sodat die gloed wat hulle ontbrand het, die vuur in ons siele kan aansteek, wat die kettings wat ons aan Brittanje bind sal smelt,” het ds. J. D. Vorster verlede Saterdag in die Hofmeyersaal, Kaapstad verklaar by geleentheid van Krugerdagviering deur die Skiereilandse Ossewabrandwag.

Spr. het die sluwe metodes om die betekenis van Helledag af te water, gelaak. Die term word vandag verwyd tot musiekhelde en sporthelde. Daardeur word die werklike helde, die edelmetaal uit 'n heldegelag, begrawe. Selfs die papbroek kan nou Helledag vier.

VRYHEID

Die Afrikanervolk bring hulde aan daardie helde wat die juk van die vreemde wou afgooi en dit hul lewenstaak gemaak het. „Ons kan nie van ons helde praat sonder om smagtend van die vryheid te praat nie. Ons durf die liefde en trou van hierdie helde teenoor die volk nie vergeet nie. Ons kan nie Helledag vier sonder om te protesteer teen die Britse konneksie nie”, het ds. Vorster onder luide toejuiging verklaar. „Dit is niks anders as louter spot om Helledag te wil vier en die vryheidstrewe van die helde op die agtergrond te skuif nie. Ons kan nie anders Helledag vier as onder die Republikeinse vlag nie.”

Ons glo dat hierdie Helde van ons nie tevergeefs gestry het nie. Hulle het gestry sodat ons die oes kan insamel. Ons helde het almal teen Engeland gestaan en van geslag tot geslag sal daar sulke helde uit die midde van ons volk na vore tree.

Spr. het aangehaal uit 'n preek wat 'n Britse predikant in 1902 in Liverpool gehou het na aanleiding van die konsentrasiekampe in Suid-Afrika. Hierin het hy voorspel dat die Afrikanervolk vry sal word, en hy het die optrede van Brittanje gelaak om oorloë te wen deur middel van kryg teen die vrouens en kinders van die vyand. Hy het aangetoon dat die verlies van Suid-Afrika vir Brittanje 'n ramp sal wees. „Dit is duidelik dat selfs Britte besef dat ons vry gaan word”, het ds. Vorster gesê.

PAUL KRUGER

Helde lewe nadat hulle gesterwe het. Onder hulle staan Paul Kruger as die held van alle helde.

„Pres. Kruger is die beligaming van die lewensbeskouing van die Afrikanervolk. Hy was die kristallisering van die volk se ideale. Hy kon dit wees want hy het sy krag geput uit sy Calvinistiese lewensbeskouing.

MAAK £20 VAN 7s. 6d.

Die weergalose prestasies van die vroue van die Ossewabrandwag spreek uit die onderstaande verhaal:

Komde. A. M. Jeppe, wie se kommando tydens 8 Augustus die grootste individuele bedrag in die Skiereiland ingesamel het, het aan die begin van die jaar ses onse wol (ongeveer 7s. 6d. in waarde) aan mev. J. Kempen, lid van die Kommando van die Papendorp-kommando, oorhandig om daarmee te woeker. Net voor die 8 Augustus-storting het hierdie ywerige Brandwag £20 aan komde. Jeppe oorhandig wat sy alles deur middel van die paar onse wol verdien het!

Bismark het Paul Kruger geroem as die grootste diplomaat van die 19e eeu. Dit spreek van die grootheid van Paul Kruger.

Spr. het verklaar dat Kruger die koers vasgelê het vir ons rasseverhoudings in Suid-Afrika. Hy het neergelê dat die barbaarsheid in hierdie land onder die Christelike voorgedyskap van die blankes getem sal word. Ook teenoor die ander vreemdelinge het hy sy beleid baie duidelik neergelê. Aan diegene wat hier geld wou kom maak, maar hulle nie wil inburger nie, het hy gesê dat hulle welkom is, maar dan moet hulle tevrede wees om soos vreemdelinge behandel te word.

PARTYSKAPPE

„Ons bou voort op die opvatting van Paul Kruger dat die Afrikanervolk 'n hegte organiese eenheid is. Hy het sy standpunt baie duidelik gestel teenoor die Liberalisme. Die Afrikanervolk word bepaal deur sy bloed en bodem. Die vreemdeling in die land moet hom onderwerp aan die leiding van die Afrikanervolk, het spr. verklaar.

Paul Kruger het die gesagsbeginsel baie duidelik geformuleer. Dit spreek uit sy toesprake. Hy het hom in die eerste plek aan God verantwoordelik gehou. Daar mag niks indruis wat skadelik is vir die volk se eenheid nie. Daarom het Paul Kruger partyskappe deur wetgewing laat verbied. Paul Kruger het dikwels verwys na die „vuil eleksie van 1893 waarvoor elke Afrikaner skaam is.” Partyskappe het toe vir die eerste keer die lig in Transvaal gesien. In 1896 het Kruger die konstitusie laat verander en die uitvoerende magte sterk gesentraliseer waardeur die gesagsbeginsel duidelik neergelê is, het spr. besluit.

Na die toespraak van ds. Vorster het die Remskoene-Toneelvereniging die drama „Magdalena Retief” met sukses opgevoer.

KERK WIL OWERSPEL MISDAAD LAAT VERKLAAR

Indien die voorstelle van die verteenwoordigende kerklike afvaardiging wat versoek dat die egskeidingswette van die Unie strenger gemaak moet word, aanvaar word, sal twissieke gehudes dit moeiliker vind om van mekaar losgeknoop te raak.

Afgevaardigdes van die Gefedereerde N.G.-Kerke, Hervormde Kerk en Gereformeerde Kerk het veldm. J. C. Smuts in Pretoria gespreek en hulle voorstelle by hom aanhangig gemaak.

Die voorstelle hou onder meer in dat owerspel as misdadig gestraf moet word en dat persone wat weens owerspel geskei is, nie toegelaat moet word om met mekaar te trou nie.

Voorts word versoek dat geen aansoek tot egskeiding binne drie jaar na die huwelik ingedien mag word nie. Dit is ook voorgestel dat daar 'n aparte egskeidingshof

„Magdalena Retief”

Die opvoering van Uys Krige se drama, „Magdalena Retief” deur die Remskoene-Toneelvereniging verlede Saterdag in die Hofmeyersaal by geleentheid van Helledagviering, het groot byval gevind. Die suksesvolle poging behoort as spoorslag vir die geselskap te dien om ander dramas aan te pak.

Dit is 'n besondere moeilike drama om op die planke te bring, en dit het geblyk dat die geselskap nie heeltemal geslaag het om die moeilikhede wat die voorstelling inhou, te oorkom nie. Tog het hulle daarin geslaag om reg aan die deel van ons geskiedenis te laat geskied, en die gehoor se aandag tot die einde in beslag te neem. As 'n geheel gereken was die opvoering egter 'n sukses.

Die decor deur mej. A. Smith verdien veral vermelding.

C.

Loxton Se Mooi Bedrag

Die kommando's van Loxton het die mooi som van £79 deur middel van kollektelyste, ens. ingesamel vir 8 Augustus. Die Ossewabrandwag beur vooruit. (Korr.).

Boere Moet

Plase Nie

Verkoop

'n Beroep op die Afrikaanse boerebevolking om hulle plase nie nou te verkoop nie omdat 'n moontlike devaluasie van sterling die waarde van ons geld sal laat daal, is deur die Ekonomiese Instituut van die R.D.B. uitspreek. Die waarde van vaste eiendom sal moontlik daal.

Indien die boere uit hul plase raak beteken dit 'n noodwendige verswakking van die Afrikaner se posisie op die platteland waar hy tradisioneel gewortel is.

Hulle is hier-
Hulle is daar
Hulle is ORAL!

20 vir 11d.
ook te koop
teen
50 vir 2/2d.
10 vir 5½d.



Daar is 'n groot vraag na Ronde Kommando in die stad rond

Hulle is koel, rook lekker met 'n eie geur wat hulle elke dag meer vriende besorg.

Kommando
RONDE - SIGARETTE

BM 2885

Verseker u Toekoms
deur die Eienaar te word van
VASTE EIENDOM

* BOUPERSELE
* WOONHUISE
* PLASE
* BESIGHEDE VIR DIE
KIESKEURIGE PERSOON
Raadpleeg —

J. (Kotie) THERON
CROXLEY-GEBOU, KUSWEG,
Posbus 78 Foon 0028
STRAND

MEUBELS

PRYSE STYG VINNIG

KOOP NOU

Ons hou alleenlik goeie
kwaliteit Meubels in
voorraad

WERDA

Meubelhandelaars

(EIENDOMS) BEPERK


Groote Kerkgebou — Kaapsta

BRUIN SWITSERSE BEESTE

TEN VOLLE GEREESTREERD.

Die WINTERBERG-STOET van Gereestreeerde Bruin Switsers bied jong Bulle, 'n paar Verse en ou Koeie — almal gereestreeer — te koop aan. Alle beeste is teen Galsiekte ingeënt.

Pryse op aanvraag. — Besigtiging verwelkom. Doen aansoek:
G. J. VAN DE VYVER, Drieshof, P/s. Adelaide.



KOOP
DEUR DIE POS
VAN

EXCELSIOR

Hierdie Welbekende
POMPSTOFIE —

DIE

OPTIMUS

is nou weer
verkrygbaar

PRYS slegs 32/10

Ons bied u 'n volledige reeks van gereedskap.

Vra om ons jongste pryslyste. Die volgende

is slegs 'n paar van ons Winskopies.

DRAADTREKKER	33/4
SKAAPSKERE	8/-
STORMLANTERNE	11/4
OPTIMUS BLAASLAMPE	37/4
FLITSLIGTE, 2-sel	7/4
FLITSLIGTE, 3-sel	13/4
GRASPERK-SKER	10/-
MOTORDOMKRAAG (Hidrolies)	2-ton 31/4, 3-ton 55/-
ELEKTRIESE SOLDEERBOU	26/8

EXCELSIOR POSBESTELLINGSDIENS

(Excelsior Meubels Beperk)

Pleinstraat 40 — — — Johannesburg

GEKLASSIFISEERDE ADVERTENSIES

TARIEF VIR GEKLASSIFISEERDE ADVERTENSIES:

Huishoudelike Kennisgewings:

(Verloving, huwelik, geboorte, sterfgeval, in memoriam, gelukwensing, ens.) 1d. per woord; minimum 3/- per plasing. Vooruitbetaalbaar. Vir herhalings 25 pst. afslag.

Handelsadvertensies:

Eerste plasing, 2d. per woord. Vir herhalings 25 pst. afslag.

Intekengeld op „Die O.B.“ (verskyn weekliks): 10/- per jaar of 5/- per 6 maande. Vooruitbetaalbaar. Stuur advertensiegeld en bestellings na Posbus 28, Stellenbosch, en intekengeld na Posbus 1411, Kaapstad.

VERLOWING

HAVINGA — ENGELBRECHT. — Hiermee maak ons tweekties, Takkie Engelbrecht, van Brits Laerskool, en Cornelius Havinga, van Brits Junior-Hoërskool, bekend dat ons verloof is. 15/10/18

VRYSTAATSE GOUDVELD EIENDOMME

Vir Eiendomme Henneman, Odendaalsrust omgewing, raadpleeg WELKOM EIENDOMS- EN TRUST AGENT-SEKAP, Henneman (Elenaars Alberts en Greeff), Foon 43, Telegramme 'Weta.' 16/4/TK

BOME, PLANTE EN SAAD

AARTAPPELS. — Pragtige, gesonde en vars graad I, teen 18/- per 150 lbs. Eier-grootte saadaartappels, tweede na ingewoone, 17/6 per 150 lb. en okker-neutgrootte 14/6. Almal V.O.S. Bethlehem, in nuwe sakke wat teruggestuur moet word. Ek waarborg tevredenheid. — S. W. RABIE, Kommandant, Bus 328, BETHLEHEM. 8/10/TK

BESTE GESERTIFISEERDE GROENTESAAD. — Pryslys verkrygbaar. Bestel al u benodigdhede K.B.A. van: PREMIERS, SCHOEMANSHOEK. 20/8/TK

GREEN SAAD. — Detroit en Egiptiese plat beet 7/6; Chanteney-wortels 10/-; Beauty- en Marglobe-tamaties 35/-; Tom Watson-waartlemoen 10/-; Kropslaal 17/6 per lb. Almal 6d. duurder per 1/2 lb. Handelsnavrae verwelkom. — KARROO-SAADVERSPREIDERS, Posbus 107, OUDTSHOORN. 20/8/TK

HERHOLDT se Krisante, glorie van die Najaartuin. Kleurvolle sorteringe meesterlik saamgestel. Bestel nou vir Oktober-planttyd. Donou-Versameling: reuse pragoort, 25/- per dosyn, 15/- vir 6. Opera-Versameling: 21/- per dosyn, 12/6 vir 6. Luukse Sortering: 18/6 per dosyn. Tuinversameling: 15/6 per dosyn. Gepak en posvry. — HERHOLDT'S, Posbus 660, JOHANNESBURG. B/23/7/1X14

PATATRANKE. — Op hul beste, bestel dadelik. Driemaande wit 10/- per 80 pd.; 7/6 per 60 pd. sak. Ses- of driemaande wit en borrie steggies 6/6 per 1,000. Gelewer Serpentine. K.M.B. — P. J. GERBER, Hoekwil, GEORGE. 15/10/TK

PATATRANKE. — In volle groei, reg vir plant. Wit driemaande 8/- per 70 lb., Borrie 10/- per 70 lb. Sesmaande, wit- en Borriesteggies 6/- per 1,000. Patats teen 12/- per sak. K.M.B. — H. ROELOFSE, P/s Serpentine, Dist. GEORGE. 1/10/TK

PATATRANKE. — Uitstekende rooigrond-patatrake. Sesmaande 7/- vir 80 lb., driemaande wit 7/- vir 60 lb., Borrie, wit- en sesmaande-steggies (met hand gesny) 6/- per 1,000. K.M.B. Meld stasie. — B. H. GERBER, D/sn., Klaashoek, P.K. Hoekwil, GEORGE. 24/9/5

PATATRANKE: Sesmaande, 6/6 per 80 lb.; driemaande wit, 8/6 per 60 lb.; steggies, 6/- per 1,000. K.M.B. — A. F. DE VILLIERS, Brandwacht, MOSSELBAAL. 10/9/6B

GEMENG

SKOENREPARASIES. Ondersteun u mede-Afrikaner en wees verseker van die beste dienste by VOORTREKKER SKOENHOSPITAAL, Langstraat 291, KAAPSTAD. Foon 30164. 4879/26

VAN'S CONCRETE PRODUCTS. — Terrazzo Kombuis- en Handwasbakke, Baddens, Septiese Tenks, Pilaars, Vloertreke, Voertreke. Enigiets in beton. — Direkteure: P. W. en P. G. VAN HEERDEN, Potgieterstraat 258, PRETORIA.

HORLOSIEMAKER

DESKUNDIGE HERSTELWERK aan Horlosies. Alle werk word gewaarborg en spoedige aflewering. — P. PRETORIUS, Keeromstraat 18, Kaapstad. (Voorheen Kerkstraat 69). Foon 2-5454

MEUBELS

MEUBELS. — Koop u meubels van UNIKA MEUBELS (EENS.) BPK., en wees verseker van u waarde en besparing. Geen katalogusse tot beskikking nie. Skryf om besonderhede en meld wat u verlang. — Hoofkantoor: Victoriaweg 171, Woodstock. Takbesigheid: Jan Philips-gebou, Lady Greystraat, Paarl. Foon 929.

RADIO

LOUW EN LOUW, die Beroemde Radio-Ingenieurs, Stasieweg, PAROW. Verkoop en herstel Radio's en Elektriese Toestelle. Geregistreerde Elektrisiëttasannemers. Foon: 9-4437

SOUT TE KOOP

BOERE-PAKKET. — Nege sakke wit vee- en 100 lb. fyn bottersout £2-10-0. Nege sakke sneeuwit en 100 lb. fyn bottersout £2-13-6. Vry gelaaft soutwerke. Bestel: KOMDTE. MEV. MARTIE VENTER, P/s. No. 4, Arbeidsloot, BLOEMFONTEIN. 21/5/TK

TE KOOP AANGEBIED

DIESELINE ENJIN. — Dieseline 10-perdekrag Rustin Hornby-enjin in goeie werkende orde. Kan enige tyd besigtig word. Prys £100. Doen aansoek by G. J. LE ROUX, Constantia, RIEBEEK-KASTEEL. Telefoon 902. 15/10/1

JUKSKEIE. — Bottelvormige skele, 3/9; kopskele 4/6; agtkantige skele 5/- en Natalskele 5/6 per paar. — KOOS BOTHA, P/s Serpentine, Dist. GEORGE. 17/9/TK

VAKANTE BETREKKINGS

Aansoek om die volgende betrekkinge word ingewag:

HOOFDAME: Aansoek word ingewag van bevoegde persone om aanstelling as Hoofdame in ons Damesafdeling. Applikante moet deeglik kennis dra en ondervinding hê van hierdie Departement met al sy vertakkinge, op hoogte wees van prysbeheer, bekame inkoper wees en goeie voorkoms en persoonlikheid besit. 'n Persoonlike onderhoud word vereis.

ASSISTENT IN DAMESAFDELING: Benodig iemand met ondervinding in die bediening van die kieskeurige klient, goeie voorkoms en vriendelik van aardheid. Persoonlike onderhoud word vereis.

SNELSKRIF TIKSTER: Applikante moet ten volle gekwalifiseer wees en deeglike vorige ondervinding gehad het. Tweetaligheid 'n vereiste.

Salarisse verbonde aan bogenoemde betrekkinge sal onderling gereël word en sal afhang van bekwaamheid, ondervinding en kwalifikasies. Aansoek met vermelding van volledige besonderhede betreffende ondervinding, ouderdom, vroegste datum waarop dienste aanvaar kan word, ens., tesame met onlangse getuigskrifte, moet ondergenoemde bereik nie later nie dan 20 Oktober 1947.

DIE BESTUURDER, DIE ROBERTSON HANDELSVERENIGING BPK., Posbus 7, ROBERTSON.

A.V.B.O.B.

Lykbegroers, Grafsteenmakers, Begrafnisverkeersaars

Bloemfontein — Pretoria
180 Takke

PLUIMVEE

Die Beste Firma om u PLUIMVEE EIERS en ander FRODUKTE aan te stuur is:

C. M. ELOFF EN KIE
(Edms.) Bpk
MOREMARK (Posbus 7185) Newton

Gedroogde Vrugte
Aan U Vriende Oorsee

Na Engeland 14/4. Na Holland en Duitsland 16/10.

1 pd. Neute en Rosyne. 1 pd. Gesuikerde Vrugte. 1 pd. Perskes.

1 pd. Tros Rosyne. 1 pd. Pruimedante.

Onmiddellik op ontvangs van u Poswissel en volledige adres vir aflewering, sal 'n pakkie bevattende bogenoemde afgestuur word.

Verseker aflewering betyds vir Kersfees deur nou u Bestelling te plaas met

Die Robertson
Handelsvereniging, Bpk.

POSBUS 7

ROBERTSON


Besturende Direkteur: Mnr. R. L. Barry.

BANNELING VIR VRYHEID
Oorlogsherinneringe van 'n Oudstryder

(Deur M. Coetzee)

gewag. Ons word beveel om in te klim, en vergesel van nog vier gewapende wagte, vertrek ons na die markplein, waar 'n skare ons inwag — vrouens en kinders en 'grysaards, wat aangese is om die uitspraak van ons vonnis te kom bywoon.

Stadig beweeg ons tussen die menigte deur tot waar 'n trolle-wa in die middel staan, met die hoofoffisier en die predikant



OOM CHRISTIAAN NEL

van die dorp daarop.

Ons word beveel om af te klim, en onder ademlose stilte kondig die hoofoffisier aan: „Julle het wapen opgeneem teen Haar Majesteit, en van haar troepe doodgeskiet; Julle vonnis is as volg: Een-vir-een word die ander se vonnis gelees. Almal gevangenisstraf en toe: „Christiaan Johannes Nel, jy word tot die dood veroordeel. Enkele minute was daar stilte, tasbare stilte. In my gemoed was daar die een troos: Dit sal vir Vryheid en Reg wees—God weet!

Toe oorhandig die offisier 'n papier aan die dominee. Almal wag gespanne. Dan kom die dominee se stem soos van ver af: „Jou lewe word gespaar deur die genade van lord Kitchener, en jou vonnis word versag tot lewenslange verbanning uit jou land

Van Somerset-Oos na Bloemfontein se gevangenis. As ek aan daardie haglike toestande terug dink, dan wonder ek of Belsen werklik vir die Engelse vyf-en-veertig jaar later, as so 'n gruwel-kamp kon voorkom.

Ons was tien gevangenes in een sel. 'n Enkele emmer, wat selde of nooit verwyder word, was ons enigste sanitêre gerief. Slegs vir één uit die vier-entwintig uur word ons toegelaat om daardie stinkende hok te verlaat, en ons daaglikse rantsoen te gaan ontvang, wat bestaan het uit 'n klein stukkie stywerige maer beesvleis, en 'n enkele hobbodoom onder ons te verdeel.

Bewaar Ons
Bodem

'n Waarskuwing dat Suid-Afrika nie in staat sal wees om sy huidige bevolking aan die lewe te hou of 'n groter bevolking sal kan dra as hy nie toesien dat die bodem bewaar bly nie, is deur dr. A. H. Budler op 'n vergadering wat deur die S.A. Mediese Kongres en die Nasionale Veldtrust gereël is, op Oos Londen uitgespreek.

Grondbewaring moet die grootste voorkeur in die land geniet, het spr. gesê. As stadsbewoners maar net kon sien hoeveel hulle deur grondverspoeling verloor, sal hulle skrik. Tensy ons grond bewaar word, kan die Unie nie verder ontwikkel nie.

Hier het ons 'n maand gebly, en toe is ons na Durban gestuur waarvandaan ons per skip na Kaapstad gestuur is. In die Kaap moes ons oorstap op die skip wat ons na Bermuda sou neem.

Dowwer, en al dowwer het Tafelberg geword, totdat dit in die verte verdwyn het. Hier en daar het 'n geharde krygsman gesnik. Ander het probeer om lighartig te skerts, totdat een „Kent Gij dat Volk” aanhef en ons uit volle bors saamsing, hoewel met gebroke stemme en verslae harte.

Toestande aan boord was uiters haglik: Die kos was onetbaar, en die skip was besmet met luise.

Dit was dan ook werklik 'n verligting toe ons na 'n seereis wat 'n maand en ses dae geduur het, in Bermuda aan wal stap, al het ons harte gebrand met verlange na ons vaderland.

Die krygsgevangenes en die rebelle is in aparte kampe geplaas. Die rebelle moes bewaak word soos ontombare barbare. Die 48 doringdrade om ons was nie voldoende nie — vier gewapende wagte moes ook dag en nag op-en-af patroleer om toe te sien dat niemand-ontsnap nie.

En tog — Boer se kind laat hom nie vaskeer nie. Daagliks het van ons manne deur daardie versperrings gesluip, om ongemerk tabak en eetware van die krygsgevangenes se kamp oor te smokkel. Langsaam het die maande van my ballingskap verby gesleep — ek, 'n lewenslange balling — en tog het die hoop in my hart bly voortleef dat ek weer na my vaderland sou terugkeer.

'n Jaar en drie maande was verby. Toe word Eduard II gekroon tot koning van Engeland, en ons kry versagting van vonnis: myne is verkort tot vyf jaar.

Eindelik die blye tyding: Ons word teruggestuur na Suid-Afrika!

Langsaam, uiters langsaam het die strook blou water tussen ons en ons vaderland kleiner geword, totdat Tafelberg eindelijk weer op die gesigseinder verskyn.

Die gewaarwording in die hart van elke banneling as die kus van sy vaderland langsaam nader kom, kan moeilik in woorde uitgedruk word. Van Kaapstad is ek na Tokai se kamp gestuur.

Op 'n môre word my naam weer saam met nege ander afgelees om voor die hoof-offisier te verskyn.

„Julle is vry en mag na julle huise teruggaan” Hier het 'n verslete hoed in die lug ingetrek met 'n hiep-hiep-hoera! wat agterna klink, terwyl elders weer 'n hoof vooroor gesak het, en 'n siel gehuiwer het by die vraag: Sal daar nog 'n huis wees om na terug te gaan? Sal daar nie slegs gapende murasies en naamlose grafte wag soos vir sovele van ons strydsmakers nie?”

Kommuniste
In S.-Amerika

Die Joego-Slawiese regering is besig met uitgebreide Kommunistiese spioenasie- en sabotasie-organisasie in Suid-Amerika volgens 'n amptelike verklaring wat die Chileense regering uitgereik het. Daar word beweer dat die spioenasie onder die leiding van Joego-Slawiese diplomatieke verteenwoordigers in Argentinië staan.

Die Kommuniste het ten doel om sabotasie te pleeg en 'n front teen die V.S.A. in Suid-Amerika te stig.

90 PST. VAN SPAANSE VOLK WIL FRANCO HÊ

Die leuens van die Kommunistiese propaganda teen Spanje en genl. Franco wat soveel publisiteit in die Engelse pers oor die hele wêreld geniet, word aan die kaak gestel in 'n verslag wat nou vir die eerste keer in Brittanje gepubliseer is. Hierin toon 'n spesiale waarnemer dat die Franco-bewind goeie sowel as slegte eienskappe het; dat die Spaanse volk volkome vryheid geniet; dat 90 persent van die volk die regering van Franco verkies, en dat daar op die oomblik geen ander alternatief vir die Spaanse bewindhebbes is nie.

In sy rapport oor Spanje verklaar 'n spesiale waarnemer van die Britse blad — Review of World Affairs — dat vorige rapporte oor Franco se Spanje uiters bevooroordeel opgestel is. Vals prentjies is opgehang — enersyds van wreedste tirannie en andersyds van idilliese regering. As gevolg van hierdie wanvoorstellings, aldus die waarnemer, verkeer vandag selfs denkende mense in Brittanje onder die indruk dat die toestande in Spanje soortgelyk is aan die in Rusland. Dit is heeltemal onjuis.

In Rusland leef mense in 'n groot slawestaat; in Spanje is die bewind laks en soms korrupt maar die volk geniet volkome vryheid en die lewenstandaard is baie hoër as in Rusland.

VERKIES FRANCO


Meer as vyftig pesent van die volk hou miskien nie van Franco se regering nie. Sommige (meesal werkers) sal daarvan hou om 'n republiek te hê; ander (offisiere en grondbesitters) verkies 'n monargie. Maar neëntig persent van die volk verkies dat Franco voortgaan eerder as om die risiko van nog 'n burgeroorlog te loop; sewentig persent van die volk besef dat, behalwe 'n monargie, is daar geen alternatief vir die regering van Franco nie.

Die Republikeine, wat graag in die buitewêreld voorgee dat hulle 'n alternatiewe regering in Spanje kan saamstel is hopeeloos verswak en verdeel oor onderlinge geskille. Een van die leiers, Prieto, besit nie die eienskappe van 'n leier nie en Negrin, die ander leier, het aan sy leierskap gekom met die hulp van die kommuniste. Die volk onthou dit baie goed. Die buitelandse kritiek en die kritiek van die V.V.O. het net die teenoorgestelde uitwerking gehad as wat die aanbasters daarvan verwag het — dit het die intens nasio-

Wat Die V.V.O. Die Wêreld Kos

Die wêreld sal gevra word om £9,700,000 te betaal om die V.V.O. tydens 1948 aan die gang te hou. Dit is meer as £3 miljoen meer as wat verlede jaar gevra is.

Die V.V.O. kan egter nog nie een item opnoem wat hy ter bevordering van die nuwe wêreld gedoen het nie. Suid-Afrika sal egter ook moet help betaal om hierdie na-oorlogse mislukking waar Rusland maak en breek, aan die gang te hou.



Genl. Franco

nalistiese Spanjaarde baie meer gehag aan Franco gemaak.

Daar is veral drie dinge, gevolg die waarnemer, wat in Franco se guns tel. Hy was 'n knap generaal tydens die burgeroorlog; hy was die eerste Europese leier wat op die gevaar van die kommunisme gewys het, en die volk sien nou dat sy voorspellings bewaarheid geword het; derdens het Franco Spanje ook uit die afgelope wêreldoorlog gehou.

Francos bewind word enersyds deur die Kerk — die sterkste enkele faktor in Spanje — en andersyds deur die leër, ondersteun.

Die lot van die arm mense het sodanig verbeter onder Franco se bewind dat hy vandag meer ondersteuners onder hulle het as die kommuniste ooit gehad het. Die middestand, fabrieksbase, handelaars en amptenare floreer. En hoewel hierdie klasse nie fanatiese aanbidders van Franco is nie, is hulle heeltemal tevrede met sy bewind. Hulle is nie begerig om 'n verandering te maak nie.

Die grootste probleem van Spanje is vervoermiddele. Die rollende materiaal van die spoorweë is gEDAAN. Daar is min motors en geen nuwe bande nie. Om sy nood te verlig voer Spanje silwer uit na Engeland en goud na Amerika.

KOMMUNISTE

Francos tradisionele vyande, die Kommuniste, voer nog steeds die stryd teen hom. Die Franse Kommuniste het probeer om die grens tussen Spanje en Frankryk toe te hou, skryf die blad. „Sommige van die Spaanse Kommuniste skuil in grotte op die hoë berge en ander knoei ondergronds in die stede; hulle agente egter, veral die jongeres, is besig om in die sleutelposisies in

die fabriek in te dring — selfs ook in die leër. Hulle getalle is klein. Maar dit is altyd 'n fout om die sterkte van die Kommuniste aan hele getalle te meet.”

Die Kommuniste is ook besig om hulle in die sleutelposisies by Gibraltar in te grawe. As voorbeeld van hulle sukses dien die volgende. Tydens die oorlog het Hollandse, Sweedse en Russiese myne by die Spaanse kuste uitgespoel. Die Spaanse regering het opdrag gegee dat hulle by Cadix ondersoek moet word om hulle samestelling vas te stel. Op onverklaarbare wyse het die myne ontplof voordat hulle ondersoek kon word. Dit het daarna geblyk dat dit sabotasie van die Kommuniste was. Dit word verwag dat die Kommuniste in toenemende mate sabotasie in Spanje sal pleeg, vervolg die blad.

„Inmenging in Spanje sal die Spaanse volk solied agter Franco laat staan . . . doeltreffende inmenging is onmoontlik.”

HULP AAN SPANJE

„Die Kommuniste hoop dat die demokratiese lande afsydig sal staan en toekyk hoe Spanje in 'n ekonomiese krisis verval. Honger en 'n krisis sal hulle die kans gee waarvoor hulle wag. Die keuse van die demokrasie is baie duidelik: ondersteuning aan Spanje sodat hy kan ontwikkel soos hy verkies en sodat die vrede kan voortduur; of weiering om ekonomiese hulp aan Spanje te verleen sodat daar 'n krisis in Spanje en moontlik nog 'n burgeroorlog kan ontstaan wat alleen . . . 'n totale dominerende van Spanje deur die kommuniste tot gevolg kan hê,” besluit die blad.

Moet Gordel Nog Nouer Trek: Cripps

Brittanje sal verplig wees om sy invoer uit die dollarlande nog verder in te kort as nuwe dollars nie binnekort aan Europa beskikbaar gestel word nie, het die Britse ekonomiese gevolmagtigde, Cripps, verklaar. Die inkorting sal nog vanjaar moet geskied.

Met verwysing na die onlangse samesprekings tussen lede van die statebond het hy verklaar dat deur die optrede van die statebond-lande die dollar-tekort aansienlik verminder sal word.

Die Suid-Afrikaanse lening van £76,000,000 aan Engeland sal baie help, maar nie die probleem oplos nie, het hy gesê.

SOOS ONS LESERS DIT SIEN

MOENIE VOORWAARDES STEL NIE

(Onderstaande brief is oorspronklik aan die redakteur van Die Burger gerig. Aangesien die blad dit nie geplaas het nie, het die skrywer dit aan die O.B. gestuur vir publikasie.)

Aan die redakteur van Die Burger — van G. van Jaarsveld, Tulbagh:

Met verwysing na die subartikel in u uitgawe van 26 deser „In wie se Belang doen jy dit?” is u redeneertrant my so bevredigend dat ek my gedwonge voel om 'n paar gedagtes daarvoor uit te spreek.

1. U is verbaas dat dr. Van Rensburg nie hereid is om die H.N.P.-voorwaardes aan te neem nie. Is dit vir u so vreemd as 'n man van ruggraat weier om beginsels prys te gee? Elke regdenkende mens sal so iemand as 'n papbroek bestempel. En tog is dit presies wat u nou van dr. Van Rensburg verwag. Sonder om te blik of te bloos eis u van hom, en mitsdien van die O.B., om sy beginsels prys te gee en die hele organisasie in die party op te los. 'n Direkte dwang tot politieke verraad. En weier hy om dit te doen, dan is u verontwaardig en roep hom beskuldigend toe: „wat be-oog jy?” gepaard met die suspisie-vekkende vraag: „In wie se belang doen jy dit?” Laat my hier byvoeg dat hierdie neiging om mede-Afrikaners onder verdenking te bring ons volk reeds onberekenbare skade berokken het.

2. U sê die „Sterke drang tot saamstaan en samewerking om die huidige bewind van die kusings te verdryf en die blanke beskawing in ons land te beveilig” is die grondslag van die ooreenkoms tussen die H.N.P. en die Afrikanerparty. Volkome juis. Mnr. Mavenga het hierdie drang so duidelik ingesien en die saak in so 'n ernstige lig beskou dat hy hom die aangebode hulp en medewerking van die O.B. laat welgeval het. Met u is dit anders. U stel voorwaardes wat bereken is om in die eerste plek die H.N.P. te versterk; u is blykbaar met niks minder tevrede nie. Bars of breek die O.B. moet sy identiteit prysgee, hom in die party oplos of 'n blote agterryer daarvan word. Gebeur dit nie, kan kom wat wil, gevaar of nie gevaar nie. Hieruit moet ek konkludeer:

(a) Ons nasionale gevaar is u nie regtig erns nie, en dan is al die gepraat daaromtrent niks anders as 'n eklekse geklets nie, of

(b) u is ten volle bewus van die dreigende onheil en is ook ernstig daaromtrent — maar partybelang weeg by u swaarder as volksbelang.

3. Op die manier wat u met die O.B. probeer omspring maak u van ons nasionale gevaar 'n klug en word die ooreenkoms met mnr. Havenga belaglik in die oë van ons teenstanders. Wat is die geval? Dr. Malan en mnr. Havenga sluit 'n politieke-vriendskap, maar mnr. Havenga het ook nog 'n ander vriend, nl. die O.B. Met dié is dr. Malan nie gediend nie omdat die O.B. weier om ook sy vriend te word deur sy vernederende voorwaardes te aanvaar. Nou maak dr. Malan met die vriend rusie omdat mnr. Havenga sy hand van vriendskap aangegryp het sonder om voorwaardes te stel. Kommentaar is oorbodig. In plaas van op die hoofsaak, nl. die kleurgevaar wat ons bedreig, te let en deur streng private onderhandelings die posisie te beredder begin u met mnr. Havenga wedywer deur op eg sektariese wyse onder O.B.-lede proseliete te maak en vir die H.N.P. rekrute te werf. Daartoe gebruik u die skrikbeeld van 'n geheimsinnige „iemand van buite” wat nie moet toegelaat word om te dikteer of die ooreenkoms in gevaar te stel nie.

Wees verseker dat „niemand van buite” so bekwaam, en blykbaar ook so ywerig as u is om die ooreenkoms tot 'n ronde NUL te reduseer nie.

Ek moet tenslotte met nadruk verklaar dat uit hierdie hele gedoente die verderflikheid van die partypolitieke stelsel my meer as ooit tevore duidelik geword het.

Immigrante Wil Alles Weet Van Dobbel In S.A.

Die soort belangstelling wat sommige immigrante openbaar nadat hulle in Suid-Afrika aangekom het, het persone wat onlangs die geleentheid gehad het om 'n lang treinreis saam met 'n paar Britse immigrante mee te maak, verbaas: hulle was nog maar skaars 'n maand in die land maar daar was geen resiesperd van belang wie se naam en kans om 'n volgende resies te wen hulle nie van buite geken het nie.

Hulle wou van ons segsman weet waar die grootste wedlope plaasvind en hoeveel hy al op reises gewen het. Hulle was verbaas om te hoor dat hy nog nooit geld op perde verweerd het nie.

LOTERY

Dieselfde gees en gesindheid spreek uit 'n aantal vrae wat voorgenome Britse immigrante aan die immigrante-blad, The Settler, vra. 'n Persoon uit Londen wat van voorneme is om na Rhodesië te verhuis, stel net een vraag: „Is daar 'n staatslotery in Rhodesië?” wil hy weet. Die blad gee hom die versikering dat daar wel een is

en dat mense oor die hele wêreld al groot somme geld gewen het. 'n Persoon uit Dundee is baie bekommerd oor hoe gou hy in Rhodesië sal kan stem, terwyl 'n ander uit Glasgow seker wil maak dat hy genoeg kan rondry. „Word petrol in die Unie gerantsoeneer?” vra hy. 'n Immigrant uit Londen wil weet: Hoe ver is die Krugerwildtuin van Johannesburg?

Oor die werklike probleme van Suid-Afrika soos die kleurkwessie en politieke toestande is daar nie een enkele vraag gestel nie. Uit Blackpool kom die vraag: Is Afrikaans noodsaaklik vir 'n immigrant? Die antwoord kom pront: „Nie absoluut noodsaaklik nie.”

'n NUWE TWIS KAN OPPOSISIE 14 SETELS IN KAAPLAND KOS

Die leier van die Herenigde Nasionale Party of Volksparty, dr. D. F. Malan, het die hele nasionaalvoelende deel van ons volk in beroering gebring omdat hy in die afgelope paar weke uit sy pad gegaan het om punte van verskil tussen die H.N.P. en die O.B. op te diep—insteede van punte van ooreenkoms na vore te bring. En dit het hy gedoen toe die hoop op samewerking tussen alle nasionaalvoelende Afrikaners baie hoog opgevlam het.

Die Sap-pers in ons land kan kwalik sy ingenomendheid met dr. Malan se jongste optrede verberg. Deur middel van oulike berigte en artikels probeer hierdie pers om die dreigende twis in nasionale geledere versigtig aan te stook.

In die harte van baie nasionaalvoelende Afrikaners het die neerslagtigheid kom inwoon. Die billike vrees bestaan dat die lofwaardige poging van mnr. N. C. Havenga en die Afrikaner-party om 'n brug te slaan tussen die Ossewabrandwag en die H.N.P. gaan misluk.

Die volgende vrae is op almal se lippe: Wat besiel dr. Malan en sy onderleiers? Wil die H.N.P. die komende verkiesing wen? Indien ja, waarom baklei hulle dan met hul vriende? Of hoop die H.N.P. om die komende verkiesing sonder die hulp van die O.B. te kan wen?

SETELPOSISIE IN KAAPLAND

'n Ontleding van die posisie in Kaapland se kiesafdeling onderstreep die dringende noodsaaklikheid van samewerking indien stembus-oorwinnings behaal wil word. Die syfers wat hieronder volg is gebaseer op die uitslae van die 1943 verkiesings. Die uitslae van die tussenverkiesings wat daarna plaasgevind het is inbegrepe. Wanneer die betekenis van die ondervolgende syfers nagegaan word moet onthou word dat die oorgrote meerderheid van O.B.-lede in 1943 vir H.N.P.-kandidate gesteun het.

DIE VERENIGDE PARTY

Kaapland het 56 setels. Daarvan hou die Verenigde Party 33. Elf van hierdie setels het die V.P. onbestrede in die skoot geval; drie het die party met meerderhede van meer as 4000 verower; vyf met meerderhede tussen 3000 en 4000; vier met meerderhede tussen 2000 en 3000 en twee met meerderhede tussen 1000 en 2000. Dit is aanneemlik om aan te neem dat die V.P. hierdie setels met 'n volgende

Arabië En Jode Wil Oorlog Maak

Oorlog dreig in die Nabye Ooste as gevolg van die aankondiging van Brittanje dat hy Palestina moontlik gaan ont-ruim. Troepemagte van die Arabië is reeds aan die beweeg. Hulle beskou die verklaarings van Amerika dat hy ten gunste is van 'n verdeling van Palestina tussen die Jode en Arabië as 'n uitdaging en hulle is bereid om dit te aanvaar.

Sowat 230,000 ten volle opgeleide en gewapende troepe is deur Egipte, Irak, Sirië, die Libanon en Transjordanie tot beskikking van die Arabiese Bond gestel.

Die Joodse strekte word op 80,000 manne en vroue geskat. Daar is reeds sprake om 'n internasionale Joodse leër op die bene te bring om steun aan die Jode te verleen. — (Sapa).

verkiesing gaan behou. Die orige agt kiesafdelings (meerderhede tussen hakies) wat tans deur V.P.-lede gehou word verteenwoordig die kwota wat die opposisie kan verower. Hierdie setels is: Caledon (446); Malmesbury (205); Paarl (449); Prieska (147); Uitenhage (527); Victoria Wes (432); Vryburg (512); en Worcester (401).

Die vraag is of die H.N.P. hierdie setels, sonder die hulp van die O.B.-kiesers kan verower? Die antwoord is vanselfsprekend: Nee.

Die Arbeidersparty en die Dominieparty hou elkeen 'n setel in Kaapland met meerderhede van respektiewelik 3351 en 4424. Dit kan aangeneem word dat die opposisie nie hierdie setels sal verower nie.

DIE HERENIGDE PARTY

Die Herenigde Party hou 21 setels in Kaapland — waarvan die party een, nl. Piketberg onbestrede verkry het. Agt van hierdie setels het die H.N.P. met meerderhede van tussen 1000 en 2000 verower; en ses met meerderhede tussen 500 en 1000. Die orige ses setels het die party verower met die volgende meerderhede: Aliwal (435); Ceres (83); Cradock (123); Kimberley Distrik (244); Stellenbosch (344); en Swellendam (175).

Indien aangeneem word dat die H.N.P., sonder die steun van die O.B., al die setels wat die party in 1943 met meer as 1000 stemme verower het by die volgende verkiesing kan behou ('n gevaarlike aanname soos die kiesafdeling Gordonias bv. bewys) dan kan die H.N.P. na die volgende verkiesing nege setels in Kaapland hê. In dien die verdere gewaagde aanname deurgaai word dat die H.N.P. sonder die steun van die O.B. die setels wat die party in 1943 met meerderhede tussen 500 en 1000 verower het by 'n volgende verkiesing kan behou, dan kan die H.N.P. moontlik sy L.V.-tal in Kaapland opskuif tot vyftien. Of die H.N.P. die setels wat die party in 1943 met O.B.-steun verower het met meerderhede wat gewissel het van 83 tot 435, in 1948 sonder O.B.-steun kan behou is so twyfelagtig dat die moontlikheid daarvan buite rekening gelaat kan word.

14 SETELS IN DIE WEEGSKAAL

Om op te som. Met die geesdriftige steun van alle O.B.-lede sowel as van alle ander nasionaal-voelendes kan 'n Gesamentlike Opposisie moontlik 29 setels by die volgende verkiesing in Kaapland verower. Indien die H.N.P. in stryd gaan met mede-nasionaal-voelendes en die verkiesing alleen wil aandurf kan die party hoogstens vyftien setels in Kaapland verower.

Dit behoort selfs vir dr. Malan duidelik te wees dat die uur van

saamstaan aangebreek het. Die toekoms van die blanke in Suid-Afrika is op die spel. Dit is nie nou die geleentheid om 'n onnodige ideologiese stryd met die Ossewabrandwag aan te knoop nie. Die vyand is veldm. Smuts en sy Empire-bewind en alle kragte moet gemobiliseer word om hierdie vyand te verslaan.

Jingo-Klub Van Immigrante Toon Geen Lewe

Die Jingo-klub van die immigrante in Kaapstad, die sogenaamde British Settlers Community Association, voer maar 'n treurige bestaan, en na dit voorkom is daar nie veel verder gevorder as om intekenvorms af te rol nie. Daarbenewens kla sommige immigrante wat lid van die klub wou word dat hulle al meer as drie weke gelede 10s. as lidmaatskapsgeld aan die plaaslike sekretaris gestuur het en tot dusver nog niks van hom gehoor het nie.

'n Verteenwoordiger van die O.B. wat na hierdie toestand van sake ondersoek gaan instel het, het telkens voor dooie-mans-deur aangekom. Die hoofkantoor van die vereniging is in Durban, maar die Kaapstadse tak het 'n kamertjie op die tweede verdieping van 'n gebou in Langstraat gehuur. Nadat mens 'n hele paar keer op die donker, styl en nou trappies wat na die kamertjie lei, verdwaal het, kom jy telkens voor 'n geslote deur te staan. Daar is


wel 'n gedrukte naamkaartjie wat moet aandui dat dit die kantoor van die klub is, maar daar is geen teken van lewe nie.

GEEN KWITANSIE

'n Immigrant wat tans in Wynberg gehuisves is, verklaar dat hy drie weke gelede sy lidmaatskapsgeld aangestuur het, maar nog niks van die vereniging gehoor het nie.

Die Jingo-klub het ten doel om alle Britse immigrante onder een vaandel saam te trek en die Britse element te bestendig.

BRITTE MOET TRAP



Brittanje word stadig maar seker van vesting tot vesting gedryf en oral word hy verplig om sy troepe uit lande wat hy jare lank beheer het, terug te roep. Die foto toon 'n anti-Britse demonstrasie in Kairo waar die bevolking eis dat Britse troepe onmiddellik die land verlaat. Etlike persone is tydens die betoging beseer.

Word Komintern Gerugsteun Deur Atoombom?

(Vervolg van bl. 1)

tekens is dat Rusland besig is om meer druk uit te oefen op sy bure en groter eise te stel. Rusland glo, so skryf die blad, dat die kapitalistiese wêreld op een of ander tyd gaan instort en dat hy sy kans moet waarneem.

ATOOMBOM

Op die oomblik is die Kremlin ook besig om voor te berei vir die 19e Kommunistiese Partykongres. Dit sal vroeg volgende jaar gehou word. Die laaste een is tydens 1939 gehou. Die blad meen dat hierdie kongres van die Kommuniste een van die belangrikste gebeurtenisse sal wees aangesien Stalin volgens gesaghebbende mening sal aankondig dat Rusland daarin geslaag het om die atoombom te vervaardig. Dit sal gepaard gaan met 'n waarskuwing dat Rusland geen inmenging met sy buitelandse beleid sal duld nie. Dit sal die finale afronding wees van sy beleid om alle saamwerkings met die Weste te laat verongeluk, besluit die blad.

„Die O.B.” word gedruk deur Pro Ecclesia-Drukkery Beperk, Stellenbosch, vir die eienaars en uitgewers: VOORSLAG (Edms.) Beperk, Groote Kerkgebou 703, Posbus 1411, Kerkplein, Kaapstad.

Nog 'n Terugtog

Brittanje het besluit om ook sy troepe uit Japan terug te trek, volgens 'n amptelike verklaring. Die rede hiervoor is die gebrek aan mannekrag in Engeland en die tekort aan dollars. Op die oomblik is daar etlike honderde Britse troepe in Japan.

KONINGIN WELHELMINA wat 49 jaar sonder onderbreking aan die roer van sake in Nederland gestaan het, sal binnekort tydelik afstand doen van die troon ten gunste van haar dogter, prinses Juliana, die troonopvolgster. Die koningin het hierdie besluit geneem as gevolg van gesondheidsredes.

Wil Eertydse Bondgenote Nou Verban

Churchill en sy Konserwatiewe Party wat tydens die oorlog hand om die lyf met Rusland gesit het, het die afgelope week 'n besluit geneem waarin hulle versoek dat die regering teen die Kommuniste in Brittanje optree omdat hulle die „Christelike geloof in Brittanje wil vernietig en 'n Godlose staat daar wil stel”.

Die Kommuniste is daarvan beskuldig dat hulle die indirekte oorsaak is van die Britse krisis en dat hulle die Britse ellende uitbuit omdat die land nou ryp is vir Kommunisme. Daar is gekonstateer dat die Britse vakbonde wat die krag van die Britse nywerheid is, in gevaar staan om deur die Kommuniste beheer en gedomineer te word.

WAARVOOR HET S.A. GEVEG?

Op 4 September 1939 het genl. Smuts aan Duitsland die oorlog verklaar omdat laasgenoemde sy grondgebied van Pole wou terugvat — grondgebied wat genl. Smuts self in 1920 beskryf het as die kiem van 'n volgende oorlog omdat dit van Duitsland afgesny is.

Die oorlog het Suid-Afrika £600,000,000 gekos en 10,000 lewens. Daar is geen huise en daar is geen vleis, botter, suiker en seep nie. En wat hy nog het, moet hy gratis aan Brittanje afstaan wat homself kapot gemaak het met oorlog voer.

Van watter nut was die oorlog vir Suid-Afrika?